

INUIT ATAQTIGIIT

Inatsisartuni



10. februar 2017

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

- 1. Qaleralinnik qassusersorluni ningartat 110mm atorneqarnerat sumik tunngaveqarpa?**
- 2. Qaleralinnik qassusersorluni ningartaqqortussuseq 110mm-mik annikinnerusunik atuisinnaaneq Naalakkersuisut qanoq isumaqarfigaat?**
- 3. Qaleralinniarnermi qassusersorluni ningartaqqortussuseq 110mm-mik annikinnerusunik atuisinnaaneq pillugu Naalakkersuisut tusarniaasarsimappat? Taamaassimappat aalisarnermut soqutigisaqaqatigiit tassunga qanoq isumaqarpat?**
- 4. Nunat sanilerisagut imartakkullu assersuussinnaasagut (Island aamma Norge) qaleralinniarnermi ningartaqqortussutsit sorliit qassusersorlutik atorpaat?**
- 5. 2016-mi qaleralinniarni qassusersorluni ningartaqqortussutsit annikippallaat atorneqarneri peqqutigalugit arsaarinninnerit qanoq amerlatigippat?**
- 6. Ningartaqqortussuseq 110mm atorneqartillugu qalerallit qanoq angitigisut pisarineqakkajuttarpat?**
- 7. Ningartaqqortussutsit 90-95mm atorneqarsimatillugit qalerallit qanoq angitigisut pisarineqartarpat?**

(Inatsisartuni ilaasortaq, Bendt B. Kristiansen)

Tunngavilersuut

Ukiut kingulliit marluk tusagassiuutitigut malinnaavigaavut sinerissami nakkutilliisut sakkutuut sinerissap qanittuani aalisarnermi suliatik pillugit nalunaaruteqartartut. Tassanilu paasivagut unioqqutitsilluni aalisarnerit aamma akuusut, ilaatigullu qassutit ningartakitsut piniutigineqarsimasut taajorneqartartunut ilaasut.

Taamaattumik apeqqutit erfattut paaserusunnartullu maanna paasiniarlugit apeqqutigaakka, kiisalu paaserusutannut attuumassuteqartut ilanngullugit.

Ullut suliffiusut qulit iluanni akineqarnissara kissaatigaara.